

# Aoao atu o Upumoni mai le Mataupu Faavae ma Feagaiga 130

## Sauniuniga o le lesona:

Laasaga 1: Filifili se tasi o autu suesue o loo i lalo ma suesue i punaoa ua tuuina atu. Gauai atu i mafaufauga, manatu, ma uunaiga mai le Agaga Paia e uiga i mea o loo e faitauina. E mafai foi ona e maua isi punaoa e faaloloto ai lou malamalama i lau autu filifilia.

Laasaga 2: Fai se ootoga o lesona e lima i le fitu minute mo lau autu filifilia. Mafaufau e faaoga nisi o fesili nei e fesoasoani ia te oe e sauni:

- E mafai faapefea po o le e tatau e nei upumoni ona aafia ai la tatou sootaga ma le Tama Faalelagi ma Iesu Keriso?
- E mafai faapefea ona ou faaogaina tusitusiga paia ma upu a perofeta e fesoasoani ai i isi ia malamalama atili i lenei autu?
- O le a se mea e mafai ona ou faia e fesoasoani ai i isi ia auai i le lesona ma ia avea ma tagata auai mataalia?
- O a ni aafiaga e mafai ona ou faaoga atu po o le a se mea e mafai ona ou molimau atu ai?
- O le a se mea e mafai ona ou faia e fesoasoani ai i isi e faaoga lenei autu i o latou olaga?

## Suesue autu ma punaoa:

### FILIFILIGA 1: O LE MALAMALAMA MA LE ATAMAI E TUTU FAATASI MA I TATOU I LE TOETUTU.

#### Punaoa e suesue ai:

Mataupu Faavae ma Feagaiga 130:18–19; tagai foi Mataupu Faavae ma Feagaiga 88:118; 93:36

Na aoao mai Elder Neal A. Maxwell (1926–2004) o le Korama a Aposetolo e Toasefululua:



Afai tatou te mafaufau loloto i le mea tonu o le a tutu faatasi ma i tatou i le toetu, e foliga manino mai o lo tatou atamai o le a tutu faatasi ma i tatou, o lona uiga e le na o le tulaga o lo tatou atamai, ae faapea foi i lo tatou gafatia ona maua ma faaoga ia upumoni. O a tatou taleni, uiga, ma tomai o le a tutu faatasi ma i tatou; e mautinoa foi i o tatou gafatia e aoao ai, o le tulaga o le loto pulea, ma lo tatou gafatia ona galulue. (Neal A. Maxwell, *We Will Prove Them Herewith* [1982], 12)

### FILIFILIGA 2: TATOU TE MAUA FAAMANUIAGA MAI LE ATUA E ALA I LE USIUSITAI I ANA TULAFONO.

#### Punaoa e suesue ai:

Mataupu Faavae ma Feagaiga 130:20–21; tagai foi Ioane 7:17; Mataupu Faavae ma Feagaiga 82:10

Na aoao mai Peresitene Russell M. Nelson:



Afai e te manao moni lava i se faamanuiaga faapitoa, o le a sili atu ona e iloa po o a tulafono e pulea ai lena faamanuiaga ona galue lea ia usiustai i na tulafono. (Russell M. Nelson, "O le Misiona ma le Galuega a le Faola: O Se Talanoaga ma Elder Russell M. Nelson," *Ensign*, Iuni 2005, 19)

**FILIFILIGA 3: UA I AI I LE TAMA FAALELAGI MA IESU KERISO NI TINO O AANO MA IVI. O LE AGAGA PAIA O SE PERESONA O AGAGA.**

**Punaoa e suesue ai:**

Mataupu Faavae ma Feagaiga 130:22–23; tagai foi i le Mataio 3:13–17; Galuega 7:55–56

Na aoao mai Elder Jeffrey R. Holland o le Korama a Aposetolo e Toasefululua:



Tatou te talitonu o nei peresona paia e toatolu o loo maua ai se aiga-Atua e tasi e aufaatasi i le faamoemoe, i uiga, i le molimau, i le misiona. Tatou te talitonu e faatumulia i Latou i le uiga faaleatua lava e tasi o le alofa mutimutivale ma le alofa, faamasino tonu ma le alofa tunoa, onosai, faamagalo, ma le togiolaina. Ou te manatu e sao ona faapea atu tatou te talitonu e tasi i Latou i uiga taua ma le faavavau e manatu i ai, *sei vagana* tatou te le talitonu o i Latou o ni tagata e toatolu o loo tuufaatasia i se mea e tasi. . . . Matou te tautino atu o se mea ua faamaonia mai tusinga paia e faapea o le Tama, le Alo, ma le Agaga Paia o ni tagata eseese, o ni tagata paia se toatolu. (Jeffrey R. Holland, “The Only True God and Jesus Christ Whom He Hath Sent,” *Liahona*, Nov. 2007, 40–41)